

甯用武志

卷肆



名宦

宋

何灌河南祥符人爲火山軍黃河東岸有水泉賊常越境來汲灌過其來賊忿而舉兵馳薄灌軍灌迎高射之發輒中或着巖石皆沒賊歎爲神遂斂去

金

康公弼字伯迪其先應州人曾祖允遠保寧間以戰

寧武府志

卷之八

名宦

一

功授誓券家於燕之宛平公弼好學年二十二中進士除著作郎武州軍事判官辟樞府令史求外補出爲寧遠令縣中隕霜殺禾稼漕司督賦急饗人於獄公弼上書朝廷乃釋之因免縣中租賦懸人爲立生祠

郭秀爲武州軍判官哀宗興定三年秋七月元兵下武州秀死之

完顏九住宗室子爲武州刺史唐括孛果速爲軍事

判官貞祐二年十一月元兵取九住子侄散賊下





使謂之曰山東河南今皆降我汝之家屬我亦得  
矣不速降且殺之九住曰當以死報國違恤家爲  
無何城破力戰而死李果速亦不屈死焉贈九住  
臨海軍節度使加驃騎衛上將軍李果速建州刺  
史加鎮國上將軍仍令樹碑歲時致祭

明

唐勝宗洪武初統兵收捕寧化野寇號四大王者因  
建守禦千戶所境賴以寧

滕淵祥符人正統間嵐縣典史以廉能爲當道所重  
寧武府志

卷之八

名宦

二

嘗承檄率民兵戍偏頭關草宿整戈與士卒同甘  
苦及滿去惟琴書而已

杜忠會州人以武弁起家始襲羽林前衛指揮使進  
階光祿大夫上柱國後軍右都督正統丁卯冬以  
本官鎮守偏頭關綜理周密號令嚴明又以偏關  
城制狹隘不足容衆乃增築其城屹爲巨鎮威名  
甚盛套部望風遠去

陳經正德間以太原左衛指揮任寧武守備少有大  
節善騎射博涉經史工書畫事繼母以孝聞正德



九年套部入寇率所部奮勇力戰歿於陣事聞  
昭勇將軍立忠烈祠春秋祀之

孫吳初名國寶祖玘世爲江南當塗人世襲百戶父  
傑以功授老營正千戶因遂家焉吳本將種又世  
官邊陲生而儻材武絕倫嘉靖二十五年丙午  
以武畧舉次年會試登進士第任廣武守備署指  
揮僉事隨巡撫趙孔昭追賊於代州十里舖斬七  
級撫按上其功奉旨賞給銀幣賜名吳又予襲正  
千戶授利民叅將四十四年擢都督僉事爲協守

寧武府志

卷之八

名宦

三

老營副總兵官吳以老營地當絕塞屢經大敵乃  
大修城垣守禦之具畢備且請建立學校暇則解  
囊韃而講藝軍士皆有勇知方北夷入寇斬首一  
十二級奪獲夷馬一百八十餘匹明年秋七月擢  
爲大同總兵

璋任山西總兵嘉靖二十年俺答寇寧武瀾大戰  
於石溝嶺與游擊周宇死之

選朔州進士嘉靖間尙嵐道性鯁介慷慨有大節

選行刑部郎中嘉靖間尙嵐道性鯁介慷慨有大節



築建修文廟引水入城以便民汲永世利賴民立祠祀之

蔡可大咸寧進士歷山西參議分守口北隆慶二年擢本省副使兵備陽和轉四川副使五年陞山西行大僕卿兵備寧武有政績

王學謨朝邑人進士隆慶間岢嵐道方正執法不避恩怨嚴飭武備議築河墻老營諸堡尋陞山東參政

趙彥膚施進士萬曆間岢嵐兵備道躬歷諸路相度

寧武府志 卷之八 名宦 四

衝緩勾稽弱糗調劑本折與夫添防守易將衛廣城堡選智勇知無不言言無不行境外肅靜節省逾十餘萬貸司農例銀修保德城尤萬世永賴士民建祠立碑

李從心南樂進士萬曆間岢嵐兵備道嚴禁州縣饋遺重懲刁惡待軍民以恩收羅才勇以備時用入人善敵愾之思吏治民情無一不悉

魚源溥字涵一三原人萬曆四十一年進士崇禎二年為分巡河東道副使



叅政再有平寇功

周遇吉字萃字錦州衛人少入行伍戰輒先登積功  
至京營游擊以多屢加太子少保左都督十五年  
冬山西總兵官許定國有罪論死以遇吉代之至  
則汰老弱繕甲仗練勇敢一軍特精明年十三月  
李自成陷全陝將犯山西遇吉以沿河千餘里賊  
處處可渡分兵扼其上流以下蒲坂屬之巡撫蔡  
懋德而請濟師於朝朝廷遣副將熊通以二千人  
來赴十七年正月遇吉令通防河會平陽守將

寧武府志

卷之八

名宦

五

尚智已遣使迎賊諷通還鎮說降遇吉叱之曰吾  
受國厚恩寧從爾叛逆且爾統兵二千不能殺賊  
反作說客耶立斬之傳首京師二月七日太原陷  
懋德死之賊遂陷忻州圍代州遇吉先在代扼其  
北犯乃憑城固守而潛出兵奮擊連數日殺賊無  
筭會食盡援絕退保寧武賊亦踵至大呼五日不  
降屠其城遇吉四面發大礮殺賊萬餘人火藥且  
盡外圍轉急或請甘言給之遇吉怒曰若輩何怯  
耶今能勝一軍皆忠義即不殺縛我子賊於是退



伏城內出弱卒誘賊入城墮下開殺數千人賊窮  
礮攻城圯復完者再傷其四驍將自成懼欲退其  
將曰我衆百倍於彼但用十攻一番進蔑不勝矣  
自成從之前隊死後復繼進官軍力盡城遂陷遇  
吉巷戰馬蹶徒步跳蕩手格殺數十人身被矢如  
蠅竟爲賊執大罵不屈賊懸之高竿叢射殺之復  
齧其肉城中士民感遇吉忠義巷戰殺賊不可勝  
計其舍中兒先從遇吉出關死亡畧盡夫人劉氏  
素勇健率婦女數十人據山上公廨登屋而射每

寧武府志

卷之八

名宦

六

一矢斃一賊賊不敢逼縱火焚之闔家盡死賊每  
語人曰他鎮復有一周總兵吾安得至此福王時  
贈太保諡忠武建旌忠祠於南京祀之

魏志名宦有王允懋列周遇吉前夫允懋備兵  
於此既無績可紀及賊至又不能與遇吉抗衡  
同仇且禁其出戰至城破不得已而自剄豈爲  
能得死所哉今允懋與同知吳鉉乃並祀縣學  
中遇矣因書過古而附論之



金元祥遼東人順治五年任寧武兵備道副使性嚴厲令行禁止時當闖寇殘燬之餘祥加意招徠安集居民已稍稍復業六年太同構亂寧武兵從之祥自縊死贈光祿寺少卿祀忠烈祠

李吉順治間任寧武副將姜逆之亂部下徧從賊執吉說降吉力斥之自縊死

張國纓京衛人順治間以武進士任偏關叅將姜逆之亂時業已告疾得請矣闖變不以去位爲解出戰爲賊所殺時兵備僉事徐淳署中糧廳馬維熙寧武府志

卷之八 名宦

七

皆不屈而死

徐淳遼東人順治間任岢嵐僉事時值姜逆叛偏關兵變淳被執不屈而死贈光祿少卿祀忠烈祠

劉玉瓚順天大興人順治初進士十七年官太原府中路管糧同知駐寧武修廢舉墜安集有方經征軍租本色督催屬員嚴正清公人不敢干以私吏畏其威而民懷其惠上官知其賢檄署本關兵備道事軍心以肅久之遷去百姓思之

李文煥浙江人嘗籍大興縣授陝西階州同知忤上



官意被劾而歸煥忿懣不平乃擊登聞鼓上控事  
自卽授寧武同知風力不凡能抗強禦時奸民有  
詣京上書願開寧化岢嵐山採木歲輸稅纍萬者  
事下所屬煥力扼之撫軍是其議題請停止百姓  
德之立碑以紀其事文煥卒於官葬寧武城南門  
外

民山碑 寧武界在邊陲地瘠民貧古稱上疲  
所屬寧化蘆芽以及西山一帶其間環山而居  
者鄉村屯堡不知凡幾若地若糧若山厥輸納

寧武府志

卷之八

名宦

八

正供由來久矣奸民射利之徒借口有明藩產  
指爲官山覬覦開採院呈部叩關往往愬不  
休卽守土之職亦未敢有仔肩之者幸賴中糧

府李公文煥洞悉其弊立詳以覆藩司鑒及民  
害轉院具題今寢其事矣是案也踏勘多官查  
覆經年卷牘盈几乃得求杜開採之端而民沾  
無疆之福焉謹撮其詳文之要者並勒之石中  
糧府李查勘得寧化等山產冰之處無幾卽有  
一二亦皆樺柳杆樹非真有大木喬松可以爲



棟爲梁者且山巖四下居民屯地甚多輪納正  
供由來久矣覆經前撫憲犀照俱以不准題覆  
案卷歷歷可據今許國柱覬覦不休始而認稅  
一千兩已而三千兩今又增至萬兩卽少不下  
七八千兩無非巧賣宸聽揆厥隱衷不過以市  
井射利之心倖邀開採名雖爲國實乃營私有  
利則應商無利則逃走其後來之稅課繼與不  
繼初不慮也况以有限之山林當不時之斧斤  
旬月間勢必至於木盡山窮人逃地荒不惟新

立之木稅未敷且恐舊額之屯糧無出矣不但  
此矣彼國柱等亦明知寧化蘆芽諸山大木無  
多所注射者欲通黃河之路全在黃浦川之板  
片耳查黃浦川與蒙古接壤僅隔一邊出疆買  
易久奉嚴禁倘邊釁一生咎將誰任是裕國而  
反以擾國便民而實以殃民也相應仍照順治  
十六年間題覆不便准從可也蒙司允詳照轉  
覆院嗣委道員踏勘河東道勘得寧化所所蘆  
之蘆芽等山寧武所所屬之高喬等山西道



池堡所屬之虎北等山岢嵐州所屬之亂塢村  
等山鎮西衛五寨堡所屬之店坪等山週圍長  
濶約二百餘里內有居民村莊九十餘處其中  
皆小杆樺柳止堪作椽木微有大杆或盤坡田  
之上下墳墓之左右或長溝澗陡崖之中或長  
山嶺峭石之上據中西二廳申據各屬印結俱  
稱納糧民山且諸山地屬苦寒不產五穀居民  
俱借砍伐椽木採取藥苗蘑菇貨賣以輸糧養  
生者况以有限之山木一經斧斤不過一二年

開山窮木盡商竄稅無則國柱等所控每歲可  
得萬金少亦不下七八千金之說此必不得之  
數也且肆行砍伐勢必踏踐其田苗損壞其墳  
墓擾害其居處人逃地荒蠹賦有虧然又不止  
萬金千兩而已也本道臆見實行不便開採者  
特關移到司蒙布政司那詳院具題部議得晉  
撫穆旣稱寧化蘆芽等山據各屬稱係民山開  
採勢必擾害人民實難開採等語應無庸議奉



魏志名宦自宋及國朝多至七十有九入  
探其常官於此而績有可稱合乎祭法者凡二  
十三人若唐勝宗杜忠孫吳可爲能禦災扞患  
矣陳經丁璋周遇吉張國纓可爲以死勤事矣  
王學謨趙彥李從心劉玉瓚斯不辜其職矣王  
遴李文煥斯有被於民矣文煥力持奸人許國  
柱使不得開山伐木至奏於朝而爲之屬禁其  
去民害而使得安息利尤溥哉故錄民山碑於  
文煥傳後示夫後來者觀焉得有所據以杜他  
時奸猾有復覬開山病民如國柱者碑刻於康  
熙二十三年甲子舊在中糧廳署今更爲縣署  
碑尚存



人物

寧武之人物自明以前少見于傳記雖海內  
 宇文泰至隋宇文述凡二十有西然以地考之  
 實非寧武人且泰雖併割猶為帝玉即屬郡產國  
 不得概列於其間而若述之無足道又安得入地  
 數之至宋白重贊金白華雖稱隴州隴州固未成  
 决其必繫今郡籍矣若所載虞仲文史雖傳為  
 州寧遠縣人然仲文身仕遼位至宰相而降于  
 且朔州舊志言其生年所籍多不義此其人何  
 寧武府志 卷之八 人物 十三  
 尚足以應簡策乎屏之勿採亦春秋惡惡之義也  
 今列人物一自明世始

明

高寧化人博學雄才弱冠登嘉靖壬戌進士借時  
 名賢講道修德視文與政不屑也累遷大理寺正  
 獄無遁情朝多美譽以忤時等外轉陝西叅議  
 竟均賦徵貪戢強又以觸上官怒遂投劾而歸  
 持節泣晉者交章薦之竟不起

為世德字伯修偏關人幼習穎生弁州制寇為觀



時款與之嘗以把總番甘嵐捕務受責辱遂棄去  
淬志讀書隆慶庚午辛未聯捷成進士時年二十  
五性豪舉初授南陽知縣遇事迎刃解有疑難以  
片言折之豪猾吏皆驚歎後補元城再補寶坻爲  
畿輔近地戚里田宅多盤踞世德一無所假借勢  
家雖怨亦無以難也生有膂力能騎射又長於邊  
陲習地方要害防禦機宜入爲兵部郎以知兵聞  
遷陝西按察司僉事備兵西寧遇敵入寇躬擐甲  
胄率將士禦之五戰皆捷聞副將李魁乘醉率所

部遇寇歸路爲所圍急赴援寇督驚遁以誣隆官  
卽以薦起知趙州遷山東按察使僉事備兵遼左  
詔仍監陝西幕府事世德聞命單車就道決計出  
師一戰莽刺川再戰水泉口皆大捷又以寇巢穴  
仰華寺中因提兵出青海馳七晝夜擒其細作焚  
仰華寺而還遷按察司副使備兵懷隆虜時時擄  
入邊掠我人畜世德偵駐牧所在遣將搗其巢尋  
遷按察司使右布政備兵如故倭奴犯朝鮮朝議  
於天津設開府扼登萊旅順諸要地世德遂以



才進職經都察院右僉都御史專理海防軍務  
已復經理朝鮮初至與倭戰於杏山破之遂集將  
士謀大舉命總兵董一元等各統精兵直逼釜山  
生擒及斬獲倭大將平正成等五名殺倭大將平  
義智禽斬真倭兵二千四百四十八人焚倭舟七  
百餘隻獲倭糧二萬五千九百餘包招回朝鮮難  
民五千六百餘口捷聞賞銀幣紅錦飛魚服一襲  
進右副都御史以疾乞歸不允特命總督薊遼尋  
遷右都御史兵部右侍郎總督如故一日聞敵兵  
將入時世德已病矣授計諸將各奉指揮戰汎地  
擒斬甚衆世德才智膽畧伯仲威寧晉溪間在薊  
遼以息兵寧人爲務寬大簡靜以疾卒于官上震  
悼子祭葬贈兵部尚書廕其一子

潘文高之弟萬 乙未進士知漢中府才幹明敏案  
無塵牘斷獄片言居要左右不得關說每月朔日  
與諸生講業名流多出其門曠賊俞士乾聚衆  
載肆爲吞噬文設策招安令充牙兵未一載殺人  
如故文以計擒之一日熾焉漢中獲安



家信寧武人萬壽壬午舉人坦夷長厚生平口不  
言人過失與人恂恂無術哇銓授南直隸建平令  
蒞政務從寬厚至於事有不可行者雖在上官力  
執不撓必得請而後已同官咸服其爲仁者之勇  
庶獄多平反民以不寃自奉儉約服無總統食無  
濃厚祿賜所入盡贖昆弟及親族之貧老者歷官  
綽有風裁而亦不露圭角無所逢迎由是遂爲士  
官之所忌信慨然曰人生貴適志耳富貴何爲五  
斗米之腰豈能一折不復伸乎遂引疾而歸絕口

寧武府志

卷之八

人物

五

不談世事惟以孝弟課子孫時時招致故老登山  
臨水嘯歌飲醇酒當時比之香山九老洛社耆英  
焉

李剛五寨人鎮西衛世家也事後母以孝聞性聰穎  
博極羣書文辭詩賦下筆立就登萬曆壬辰科進  
士初授直隸元城縣知縣民俗澆悍案牘填委剛  
居官嚴明胥吏凜凜不敢欺法舉循良第一歷陞  
都曹轉關內道未任而卒

李道亨光寶五寨人骨氣天挺忠貞性成幼失父



然孤立寄身草澤以遠祖從出塞清沙漠功信得襲錦衣衛正千戶屢立戰功爲右衛叅將佐成化夷欵塞之謀以戰爲守己巳歲敵薄都城詔天下勤王信以援兵至爲前鋒出城三戰三捷錫宴內庭並賜金幣名馬進秩左都督封其三代皆爲一品初信少喪父惟母紀氏是依教子刻勵而信亦孝養備至雖處貴盛孺慕不衰歷官三十餘年年七十以疾卒天子思其功賜祭葬

孫維總兵吳孫也祖官於老營遂家焉襲都督僉事

寧武府志

卷之八

人物

七

初授山西總兵標管守備晉游擊將軍陞大同北路左叅將再陞萬全副總兵協鎮上谷所至軍容整肅有名將風專董互市隘口漢夷日相貿易蜂蟻蟄集維威名素著市衆惕息邊庭宴然氓黎弁卒靡不悅服中外仰賴時稱西北良將長子弘謨中萬曆甲辰科武進士初任將軍會堡守備積戰功至陝西孤山副總兵以忠勇聞會敵人大舉入守弘謨鏖關遂沒於陣贈恤如制事在明史次子弘烈任平陽守備任弘圖任神池游擊弘遵任保德



可備繼業子綸任江南旗鼓守備死流寇之難  
皆推其家世之忠義云

舉寧武人驍果有膽畧遇事機警敏捷任榆林衛  
世襲百戶時以塔山當敵衝屢經蹂躪議築城守  
險當行者有難色舉毅然請行借游擊別鎮等餉  
環甲胄披荆棘具畚鍤且戰且築三月而工畢  
險扼吭敵騎由是不敢出沒積勞爲守備屢從  
兵出塞有所斬馘晉秩都司嗣以東師戒嚴從衆  
勤王復瀛州遵化永平遷安四城皆力戰有功再

寧武府志

卷之八

人物

七

進陝西游擊將軍師還套部大舉入犯寧夏以斬  
獲于酋功命守河保營爲叅將久之陞右衛副總  
兵代者未來而流寇大至或謂之曰公已啣新命  
當疾赴右衛以避其鋒舉慨然曰吾家世爲將種  
舉以一百戶不數年而備位協鎮歷任邊陲盡當  
敵衝志在滅賊報國今大寇臨境敢托辭而逃以  
負忠義初心乎乃召麾下曉以大義三軍皆爲踊  
躍迎戰於土溝大敗賊衆頗有斬獲久之賊兵  
衆寡不敵大呼突陣而死時長子宇澤已出



職務用事會為操守乃其子年清為千總

國朝

張旺備關人既貴家於興縣旺生而武健號為絕倫  
康熙九年入行伍授把總十三年拔為千總會有  
閩逆之變遂從宣化何總兵南征入閩何總兵薦  
為守備每當戰陣輒奮勇先登所向披靡援漳州  
復永定縣皆大敗賊眾既而尚可喜又叛於粵東  
旺復隨征劈門血戰遂克重關威震閩粵間時寇  
氛猖獗屢歲未靖旺進剿山海屢擒渠魁陞游擊

寧武府志

卷之八

人物

六

將軍每戰身先士卒胷矢石而進遂復龍虎山及  
長泰等縣十九年二月克復十九寨及海澄縣金  
園等島閩地悉定靖海將軍施琅嘉其績奏為中  
軍參將旋擢澎湖副總兵未幾授江西南瑞總兵  
官初旺之在軍也二親沒皆未克葬及天下大定  
乃請歸營葬事武臣給假自旺始也旺在鎮能  
輯兵民撫而無擾則鎮南賴再逾年擬江南提督  
復調令提督福建水師久之改廣西全省軍門  
七十



德慈與備備縣之耆營人也生而聰穎國初不與  
擢進以明經選爲恩貢未幾授蘭陽縣丞而讀書  
講習不輟如諸生時不以閒曹入其懷也值歲旱  
盛乃自出機樞教百姓以遠引溉田之法民賴其  
利後遂傳其法邇於列城焉積勞遷廣西馬平令  
送者絡繹接踵幾逾千里官馬平時縣有疑獄株  
連甚衆盛到官立判情僞活者數十人上官驚其  
賢敏屢決大案迎刃而解以勞卒官百姓哭之哀  
貧不能歸上官乃給勘合輿櫬而還

忠節孝義隱逸高賢附

梁季偏驍人爲游擊將軍嘉靖四十三年瓦剌大舉  
寇老營堡青石坪平禦之兵少陷伏中大呼力戰  
殺數人重創而死

梁汝貴平子累官至遼東游擊驍勇絕倫土蠻犯塞  
貴與戰身先士卒土蠻奔潰後舍者益衆貴矢盡  
大呼突陣土蠻萬弩齊發於是死之

梁麟五寨人爲鎮西衛指揮使素以忠勇聞塞上



韓中北人犯關與之大戰於樞林殺敵萬餘  
敵兵大至力不能支遂冒陣而死

李聯芳五寨人鎮西指揮使屢以功擢孫將陞陝西  
洮州副總兵虜衆入寇時聯芳麾下皆胡征他州  
士卒甚少與敵戰陷陣死之贈都督同知

門第新偏關人以明經任湖廣永明令到官未幾  
賊破城被執求死不得乃奮臂抽其冠簪刺鼻面  
死賊怒殘其屍

盧傳甲偏關人天啓辛酉舉人授沂水令時山東州  
郡多殘破傳甲到官日蒿萊滿城路無烟火傳甲  
安輯人民外修戰守之備未幾大兵南下攻破

沂水被執不屈與其弟傳第並死焉其僕趙虎張  
國英趙應節等並奮臂格鬪而死

王前士偏關人爲游擊將軍李自成破寧武時與寧  
武裨將崔雲呂貴王尚慎張大選高日光及諸生  
楊鼎勳楊鼎樞賈三光等並不屈於賊隨總兵周

遇吉同時死節鼎勳鼎樞助遇吉守城而賈三光  
者偏關人遇吉知其能聘爲幕客而事已急遇



賈乃奉百金使之歸曰勿徒死此等光不肯遂  
及於難後九人者並祀過古廟中

楊樹元偏關人以明經任景州學正崇 壬午 大  
兵攻景州州人固守及城陷樹元曰官無小大盡  
忠則一要當以一死報國耳朝服坐明倫堂上兵  
至執之使降不屈怡然就戮闔門無一全者

皇朝

楊泰偏關人順治元年選貢授江西靖安縣知縣遭  
金聲桓之變泰死焉泰博聞強記文學稱於時楊

寧武府志

卷之八 人物

三

皇正者亦偏關人明末舉於鄉入 國初官浙江  
衢州守金聲桓方叛時皇正亦死焉

張化樞偏關人學正鳳鳴子順治初以明經為左衛  
訓導大同總兵姜瓖反守官多遁者化樞獨升明  
倫堂再拜自縊于學宮

印登榮寧武人多力善射順治初為材官姜瓖之反  
也登榮與戰被重創陷陣歿

楊光祖寧武人少從軍歷官江西南昌水師游擊有  
平撫州功進兵駐南 曾討賊知其軍弱以



來攻光州不能敵城陷卒其巷其門出者  
道竟爲賊所殺屍還至京師一朝廷遣順天府祭  
於蘆溝橋賜金使歸葬而廩其子

上忠節

明

杜登第偏關人幼喪父事母至孝以明經任河南縣  
丞

楊泰時偏關人少喪父善事其母母性嚴每加朴責  
跪而承之不令之起不敢也若此終身焉由崇禎

寧武府志

卷之八

人物

三

六年貢士仕至開州知州

徐時進偏關貢生少失母其父遂不娶時進奉父唯  
謹及父卒哀毀幾滅性學使者以其孝行聞于朝  
梁奇才偏關諸生父早卒母李少而嫠奇才竭力事  
之有人所不能及者

萬邦應偏關諸生父世威以事下刑部獄時相周延  
儒將置之死邦應號泣願以身代卒得免已而世  
威死邦應扶柩歸徑入城爲有司執詰刑罰甘之  
不忍置父情郭外後族人有害亂者邦應苦勸不



從歎曰

宋氏之赤族也遂

宋氏無子

國朝

侯廣寧武人兄弟友愛

嘉其義曰善人不可犯也順治初叛將姜瓖執廣

兄慶將殺之廣肯死涕泣請于瓖願罄家財六千

金以贖慶乃得免隣人

援之遂得不坐由是產意落廣終無怨恨年八十

卒有子名一國壽至百有二歲國子命隆命隆之

寧武府志

卷之八

人物

三

子芳華芳枝華子大威年皆過八十或登百歲多

韓萬善偏關諸生母楊孀也性嚴峻少有所拂即加

箠楚萬善安然受杖母臥病十餘年朝夕奉侍衣

帶不解及母卒常痛念曰雖欲受笞不可得矣

流涕不能止學使者旌其行

梁有慶陳垓兆皆偏關人有慶為諸生隨父往岢嵐

就試父病求醫醫者曰試嘗其糞如甘則可治有

慶即嘗之知不可為急扶父歸及門而卒垓兆

貧無妻與兄弟其繼母病瘼



久而下意及父病奉事亦如之父母皆卒獨存  
所依依不忍去玘兆竟以血妻終身

侯大體寧武人居家孝友兄弟年既艾尚相親如孺  
子時里婦朱氏者年老子卒而孫幼常以貲授大  
體而託之曰吾死後侯孫巨而婚則與之顧勿拽  
也久之朱死大體如言還其孫封猶故時鄉里歎  
異焉

王永祥偏關人或有以殺人誣其弟者將抵罪永祥  
傾家財救之已而竟雪而永祥由此困甚然終無  
寧武府志 卷之八 人物 三十四  
一言咎其弟也

郭光先者寧武諸生也性至孝九歲喪母事後母張  
尤謹張病而喪其明光先奉侍不倦者十七年其  
父之翰爲武舉老壽多疾方危驚時光先屢告里  
神祈代以己身已而父卒三年居墓側邑人交頌  
而哀之

上孝義

唐

晉澤山隱者隱於管山李德裕爲太原書記時隱



其故對曰君有宿緣是年秋遂登朝明年穆宗  
即位果召德裕入禁苑

明

史天益偏關人性醇薦其叔父母衰老無子益敬事  
之二十年如一日終身不入城市唯以力田孝弟  
教子孫當時稱其行誼年九十七而卒

張重德寧武諸生也崇甲申鼎革後棄其巾服髮  
髮爲沙門隱清真山中

寧武府志

卷之八 人物

三

上隱逸

宋

播闢字逍遙太宗時爲秦王廷美府胥屬及王得罪  
闕恐禍及遁去爲僧居蘆芽山寺久之賦詩云夜  
涼知有雨院靜若無僧人有識之者聞潛復避跡  
而去

上寓賢

按明卓敬爲諸生時讀書山中一夕風雨有入  
戶者衣冠似古人坐與敬語久之勸敬勿仕且



曰其地清道通也敬不從其人歎息而去敬後  
官御史死建文之難或傳聞蓋已得道云其蘆  
芽山詩宋人工詩者無不賞為名作



列女

寧武縣

明

潘政妻施氏政為寧化所千戶早亡施少年子幼甘  
守志節至孫高高子雲祥皆舉進士官清顯四世  
同居族以昌衍乃施氏之遺澤也

李霖妻徐氏 趙萃春妻劉氏霖與萃春並為諸生  
李自成之入也萃春遭禍而霖持刀與賊鬪見殺  
徐聞霖已亡懼為賊污即自投井中劉初亦欲自

寧武府志

卷之八

列女

三

死念死則二歲孤無由全者遂忍而撫之孤曰彘  
甫年三十餘復天遺子鳴謙又撫於劉既長為明  
經

國朝

諸生侯大受妻鄭氏二十九寡大元大明者大受兄  
弟也 范氏為大元婦 郝氏為大明婦皆早寡  
年少三人處一家各以貞潔互相勵云

郭氏年十七歸生員李如栢如栢後病亡郭止二十  
九有子女各一皆天家甚貧郭無二志事孀姑有



聞乾隆七年旌

李氏民鄧威妻威死家甚困李又無子然事其舅姑撫小姑幼叔並有恩禮蓋人所難者又全氏者

郭瑛妻郭氏者劉良棟妻賀氏康衛民妻

郝氏孫才妻馬氏生員李觀妻張氏符明倫

妻皆撫孤守志終其身

宋氏農家女也爲張忠妻忠死時宋年二十五有子國相三歲曰國鄉者遺腹者也宋旣甚貧日樵於荒野僅而自活鄉里憐之試勸使更嫁宋拒絕勸

寧武府志

卷之八 列女

三

者終身不與言後二子皆成立宋年六十九乾隆九年旌

梁氏年十六嫁張龍凡十四載有二子而龍死梁孤苦無所依代人浣濯或爲富家力作齋磨間如是以爲常守節三十六年年六十有五而康強食力如故

民陳大勸妻姜氏守節四十餘年雍正八年旌

生員廖鈞妻李氏靜樂丞李某女也守節四十五年

雍正八年旌



李鳳妻馬氏

郝香妻李氏

李氏

表其門

潘世寧妻鞏氏

吳毓奇妻王氏

呂先聲妻張氏

皆以節著乾隆八年並旌之

監生楊瑞麟妻李氏

生員劉永清妻張氏皆屬志

操李氏旌於乾隆九年張氏旌於乾隆十年

白元素妻徐氏二十九而夫亡頃之公姑相繼死徐

躬營葬事于祖墓雨雪往來哀號動徯路見者莫

不憐焉初元素死有七歲子均成以貧不能就學

寧武府志

卷之八

列女

五

徐氏送之矢人家使習業求食其後不知均成所

久竟勿歸徐且老而斃子無所依里鄰以其苦節

時合資其衣食以終身又馮氏者幼孤養於伯母

十九歸高登第未幾而寡惟三歲子零丁孤苦以

節自矢者三十一年矣而王國泰妻劉氏夫死于

虎遺三子皆幼無何其季叔復爲虎所害劉益無

無依倚乃號哭告其兄弟兄弟各與田使自食焉

及子長劉使傭牧力作苦延歲月久之有孫是三

人者其節同其所滿尤苛矜哀然持操彌厲學無



少變斯其與烈士丈夫等矣

郝三重妻杜氏 張致中妻王氏 杜守節三十七歲

王三十五年有司為請旌

侯會妻任氏 江中鯁妻周氏 尹科妻吳氏 任

國宦妻盧氏 王明道妻康氏 孫丞相妻路氏

皆貧家婦共守節而皎然者

任國宰妻范氏 馮凌霄妻張氏 劉軒妻聶氏

馮凌霄妻韓氏 任宏基妻鄭氏 生員盧崇妻

郭氏 陶廷愷妻劉氏 李尚科妻劉氏 邑中之

寧武府志

卷之八

列女

三

以節稱者也國宰凌霄兩人妻兼有婦德是數人

者尚未旌任國官妻盧氏守節四十年其子任希

英以狀于官方議旌去其聞於時者又有河保營

把總閻維垣母周氏周媳范氏范者維垣兄維屏

妻也

王繡妻張氏 王希靖妻廖氏 廖即張子婦方議旌

偏關縣

明

王氏父為醫者 歿 王希靖妻廖氏 廖即張子婦方議旌



矢志終其身

閻氏者初爲伎偏關人王班爵見而悅之買以爲妾居京師久之班爵死閻氏不肯嫁盡以其貲授班爵子隨其喪歸至偏關城東五里石橋下鬻拜哭曰今日事畢矣竟自沈水中偏關孝廉趙三誥等爲刻碑橋側以紀其節

游擊常祁之戰歿也祁妻楊聞之哀號三日遂自縊其婢救之復蘓卒以悲恩而歿

任桐爲諸生其妻郝氏而王者桐妾也桐一日死王

寧武府志

卷之八

列女

三

郝共謀曰家貧無食又不可改適兩人不若相隨地下矣因相持大哭共縊桐傍郝氏經絕復甦面王竟死

王英妻刑氏常齡妻黃氏千戶王麒妻黃氏千戶王懋德妻李氏百戶華三祝妻孫氏生員萬越妻孫氏生員童可進妻趙氏

右七人皆萬曆末至崇禎中

國朝

順治初有王翊鼎者父維垣攝知保德州妻壤反以



兵攻破保德羅垣投於河鼎亦死馮鼎妻宋晝夜  
哭四日而自經方十九歲云鎮西指揮宋文與女  
也是時有萬年圖者不知其何人大抵爲軍官環  
反時年圖戰歿妻馬氏亦自殺事與宋類焉  
生員王國琛妻柳氏夫卒時柳始二十二母家迫之  
再嫁遂不與往來柳事姑孝姑老而無齒柳日涸  
漱嚼飯以食之柳有二子長並爲諸生

生員楊佳珍妻萬氏其父亦諸生萬僅十九而佳珍  
夭又無子與女萬氏不飲生絕粒食者七日尚未

寧武府志

卷之八

列女

三

死家人共諭之乃復食以姪爲嗣守節五十餘年  
而終

通自旺毛宏吉是兩人者皆偏關營卒也順治中二  
人隨軍往戍浙旣行矣後月餘復調其妻子俱往  
自旺妻胡與宏吉妻屈並謂其家人今道路方亂  
一身無夫而行之數千里外寧必其爲完婦人乎  
不若謝之以死乃同日自縊時人義而哀之

薛文耀遊於廣東有江寧人顧如賢者常爲連平州  
牧文耀取其女攜之北歸後文耀客死寺師而妻



年尚少，獨與幼子行至燕，求得文耀骸骨以遷。公姑老死，文耀家未葬者尚六人，顧氏皆經紀而悉葬焉。孤姪女二人，顧氏愛撫之，長爲擇士人嫁之。雍正七年旌。

史湧妻張氏，夫死三子皆幼，有欲奪其志者，張引刀截髮以誓人，乃不敢言。

郭鼎妻王氏，十五適鼎，僅一年而鼎外出，俄聞其客死，王執女紅以奉公姑，久無變志。鼎去時王孕三月矣，及子鎮蕃生，既長，王有疾將死，呼語鎮蕃，惟寧武府志

卷之八 列女

三

以歸鼎骸，曾爲囑云。

楊氏爲王風泰妻，三年泰疾將死，願楊年方少，謂其母必令之嫁，語方畢而絕，目猶視也。楊嚙血滿指，矢死奉老姑不者，如日風泰乃瞑。

王氏出於農人家，爲姚庫妻，貧窶特甚，而能孝其公姑。庫死，誓不易節，姑久病臥牀，爲糞污狼籍，王拭治無倦，有司聞而賢之，屢旌其門。初王寡時，唯一女及長，適諸生鄭某，後亦以節稱。

張氏白，奇英妻，家難甚，負夫捕，中末開張。



詔聲奇英入山而樵有劉贊龍者知張美乘狗  
入塞逼之張大罵被殺米妹復壓以磨張雖已死  
而目不瞑久之色亦不變官為誅贊龍而請旌焉  
乾隆八年祀之節孝祠

王希才妻牛氏希才病亟謂之曰子方少勿以有兒  
故誤子牛泣曰君以事人慮我乎卽舉刀引髮  
而斷之及子長乃葬其夫被旌於有司

儒童馬士騏妻王氏民杜繼會妻鄒氏白首旺妻張  
氏監生薛文煜妻昌氏民萬中遴妻張氏李治妻

寧武府志

卷之八 列女

七

王氏李毓奇妻鄒氏高通明妻鄔氏沈泰運妻梁  
氏郝豫妻劉氏生員張轍妻史氏民韓如奇妻刁  
氏高揜妻史氏韓五典妻馮氏萬象新妻曹氏孫  
上錦妻郭氏生員高紹基妻杜氏民駢之驪妻李  
氏諸生賀明運妻胡氏武生劉環妻吳氏民陳維  
妻范氏

右二十二人或旌於官或未及旌然其節行明

白麻著乎邑中

神池縣



汪氏者白孝進婦也自歸白氏時孝進即以宿疾纏

困不能起坐而貧復繼之是者二十年狂安於

其命未常少形怨恨日與妻給食孝進死敢一歲

姪孫應惠為子注

矣縣令表其賢以

生員李茂生女繼室其子官臣者與婚二

載而死李生子彌月其母僅二十耳然不嫁也名

臣前時婦有子尚幼妻加愛憐焉守節凡四十年

武州志

卷之八

五

李奇福妻劉氏任進德李氏官如勲妻侯氏尹騰

富妻張氏諸生李李妻張云周位妻宋氏神池

人謂宋氏與李李李敬也奇福妻旌於雍正

十二年其餘守者復有李奇魁妻田氏蔡

國元妻吉氏劉世妻馬氏高應順妻殷氏楊

妻郭氏宋連妻余監生郭鞏都妻楊氏庠生柴

杰妻卜氏營兵丁恩妻李氏良胡玉喜妻杜

張玉鏞妻丁氏張張圖妻周氏丁守節四十二年

張玉鏞妻丁氏張張圖妻周氏丁守節四十二年



明

賈東周妻潘氏少而嫠親戚未也而得見其面每哭則嘔血竟以悲哀其子謨武科第於萬曆中

國朝

郭命宏妻李氏本貧家婦性貞烈他日偕命宏祭墓

宏祭畢即之他所戒婦先歸而道僻無人有見李

獨行欺其弱將強私之不從見殺宏晚至家怪其

婦之不還也跡求之則橫屍墓傍因訟於縣縣為

寧武府志

卷之八

列女

三

捕得殺人者張榮情款目伏乃表上其事康熙五

十五年旌曰節烈

岳林光妻喬氏夫亡遺三子皆穉孩喬自治農業歲

荒或不得食至忍餓操作田間夜寐未嘗解衣時

時懷利刃以慮意蓋虞暴之或逼也雍正八年

旌

賈氏李朝柱妻郁氏蘇繼以妻賈氏劉璧妻李氏張

嘉珍妻武氏賈秉乾妻朝柱等皆諸生其妻五人

於既喪其夫守而勿渝行事亦相類雍正七年



杜妻已遊

何映壁妻宋氏久而無子... 而與映壁俱亡宋不以爲可嫁而行也而費撫妾  
女終其舅姑之喪而營葬焉雖幾及於老嚴節如  
初者劉... 宗黨... 皆其... 宗黨或  
云宗...

舉人袁世愷妻郭氏貢生張... 妻賈氏

邊陲之俗其丈夫輕去就婦人薄恩慈鮮知節義  
大抵有... 自昔論之矣夫秉... 堅之志立甚難之

陔武府志

卷之八

列女

七

行如上所書春秋之法宜特... 者予聞諸謝參軍  
廷想寧武婦人夫死不嫁蔽... 單微幽陋甚或窮  
餓槁死而卒以自持其意若此... 蓋有嗚呼惜不能  
得其姓名而事而盡著之也... 世世之所爲  
烈以表之者亦頗濼矣大半... 子孫貴勢與富  
力之家借飾尋常難黎莊... 難及焉非然即  
操凌... 而門... 儒紳裕美... 官則牒駁增煩  
吏苦索錢爲... 公論同... 揆... 好義... 潛烈  
固有... 於其... 難者矣幸而... 有一不幸而不



待者且十焉豈非激勸成市美  
之實耶魏志以謂有司率視此為無益之事舉  
不加乎幽隱即有一二破產者其皆連年累歲所  
費不貲而始獲焉是則節義不彰而教化不興可  
知也故撰斯志凡有節婦訪求務廣苟事更其難  
而情極其苦必備叙以勵風俗觀其言誠可為太  
息哉故採存其論以示夫為由者若其所載梁汝  
貴妻杜氏彼既稱命婦矣寧更以不再嫁為貴  
明時有出宰相斯公門者而因欲表其夫人禮官

持之不字旨哉其有見乎予之去杜氏而不書於  
其義特有取爾

或曰杜氏與常祁妻楊氏其夫皆游擊也今杜不  
書而楊乃獨書何哉曰楊氏戰死而已亦自經  
雖救免而終以死是其可也殆與杜有不同者

矣



